



*Allaffeqarfik/Head
Office:*
Aqqusinersuaq 31, 1.
sal
P.O.Box 386

**Aalisarnermut Piniarnermut Nunalerinermut Imminullu pilersornermut
Naalakkersuisoqarfik
/MAANI**

3900 Nuuk

Tlf.: +299 32 24 22
Fax: +299 32 57 15

Email: knapk@knapk.gl
Homepage:
www.knapk.gl

Att.: APN **Nuka Møller Lund**
Mailadr.: apnn@nanog.gl

Ulloq, 6. juni 2025
J.nr. 11.02.02 / MP

Una pill.: Tuttunniarnissamut Umimmanniarnissamullu piffissaliussat pisassiissutillu pillugit tusarniaaneq 2025

**Aasaanerani ukiaanreranilu 2025, tuttunniarnissamut umimmanniarnissamullu
piffissaliussat pisassiissutillu pillugit tusarniaanermut KNAPK-miit akissutit.**

Tusarniaaneq killeqarpoq 9. Juni 2025

Tuttut – KNAPK-miit akissutit:

1. Piniarfik 2, 3 amma 4 : Kangerlussuaq-Sisimiut/ Maniitsoq-akia /Ameralik
KNAPK-miit siunnersuut : Piniarnissamut piffissaliussat, Inuussutissarsiu-tigalugu piniarneq: **1. august – 15. oktober aamma 1. december – 31. december.** Nassuiaat: Tuttut nuliunerisa nalaanni akornusersorneqassan-ngimmata aammalu piniartut Decembarimi aningaasarsiorfissaqar-tinniarlugit.
 - Piffissaliussat, Sunngiffimmi **1. August – 30. September,**
 - Canadap nerlerisa amerliartuinnartut tuttut qumanittarnerannut pisooqa-taasimasinnaanerata misissoqquneqarpoq.
2. Piniarfik 1, 5, 6, 7, 8 amma 11 :
 - **Piniarfik 5, 6, 7 -ni KNAPK-miit siunnersuut :** Piniarnissamut piffissa-liussat, Inuussutissarsiu-tigalugu piniarneq: **1. august – 15. oktober aamma 1. december – 31. december.** Nassuiaat: Tuttut nuliunerisa nalaanni akornuser-sorneqassan-ngimmata aammalu piniartut Decembarimi aningaasarsiorfissaqartinniarlugit.
 - Piffissaliussat, Sunngiffimmi **1. August – 30. September.**
 - Piniarfik Ameralimmiik kujammut tuttoqarfinni tamani piniartut akuulluartillugit piaartumik tuttunik kisitsisoqarnissaa kissaatigineqarpoq.
 - Qeqertarsuatsiaat eqqaanni tuttut qumalerujussuanngorsomapput, misisoq-quneqarpoq sooq qumalerujussuanngorsimanersut, suna pissutaanersoq ? amerlavallaalersimanerput ? Taamaammat decembarimi aamma ukiuune-rani piniarneqartarsinnaanerata kissaatigineqarpoq.

- Canadap nerlerisa amerliartuinnartut tuttu qumanittarnerannut pisooqa-taasimasinnaanerata misissoqquneqarpoq.
- Paamiut eqqaanni piniarfiit qassit aamma Neria ukiut tamaasa tuttoqarlu-arput, taamaammat decembarimi aamma ukiuunerani piniarneqartarsin-naanissaat kissaatigineqarpoq.
- **Piniarfik 8 -imi** Nuussuarmi Uummannamut upernavimmullu pisassiissutit amerliallatinnissaat piumasarineqarpoq.
- Aammalu Nuussuarmi tuttunniarnissamut piffissaliussat sivittuallannissaat piumasarineqarluni, Pisassiissutigineqartartut tamakkerlugit pisariniarta-riaqarmata.
- Nuussuarmi ukiuunerani piniarnissamut piffissaliissutaasartut aamma naleqqussarnissaat piumasarineqarpoq, qimussimik Uummannamiit eqqa-niillu avartartut aamma eqqarsaatigalugit.
- **Piniarfik 11-imut atasumik Narsap kommuneqarfigisimasaani tuttu-taasimasut** siammarlutik amerliartupiloorput, tassami tuttuunik toqoraaso-qassaarsimammat. Tuttu ima amerlatigilersimapput nunatani qeqertanilu nerisassaqaarnikkut ajornartoriulerlutik. Taamaammat Piffinni pineqartuni tuttuunik ikilisaanissaq pisariaqartut isigineqarpoq, amerlassusiliilluni pisassiinissaq kaammattuutigineqarluni. Nassuiaat: Narsap Kommuneqar-fitoqaani tuutuuteqarfik taamanikkut aallartimmat eqqaamaneqarpoq piumasarineqarsimasoq tuuttuutit 2000 qaangerlugit amerlassuseqalis-sanngitsut nerisassaqaarneq eqqarsaatigalugu.
- KNAPK-miit ilungersortumik kaammattuutigineqarpoq Aalisarnermut Pini-arnermut Naalakkersuisoqarfik Avatagiisinut Nunalerinermullu Naalakker-suisoqarfik peqatigalugu Nunatta kujataani tuttuuteqarfiup imaluunniit tuttuuteqarfiusimasup isumannaarnissaa suliareqqullugu, aammalu piffinni assigiinngitsuni taamatullu Aqutsiveqarfik Ivittuuni tuttu ajornartorsi-utaalernerat aaqqiiviginiarlugu piaarnerpaamik suliniuteqaleqqullugit. KNAPK piareersimavoq Kujataani immikkoortortaqaqfini peqatigalugit ikiuutissalluni.

3. **Piniarfik 9 aamma 10 (Kangerluarsorujuk, Nuna Prudhoe aamma Nuna Inglefield :**

- Piffissaliussat, Inuussutissarsiutigalugu aamma sunngiffimmi 1. August – 31. December-rimut siorna allanngortikkusunneqanngitsoq paasivarput. Nassuiaat: Kisianni Kaperlaap nalaani tuttunniarneq ajornakusoortaqaaq.
- KNAPK-miit oqaatigiumasat: Piniarfik 9 aamma 10-imi tuttu ikiliartu-piloorput, tuttu siornali saluttuararsuanngorsimapput meqqorlullutik peqqikkunnaarlutik. Nerisassaqaarnikkut najornartorsiorsimasinnaapput. Taamaammat Qaanaami piniartuniit piumasarineqarpoq avannaarsuani tuttu misissuiffigineqassasut allaat piniaqusaajunnaarallarnissaat pisaria-qalersorineqarpoq.

4. **Piniarfiit tamarmik: Immikkut nalilersugassanngortitaq** Piniarnissamut piffissaliussat, Inuussutissarsiutigalugu piniarneq: **1. august – 15. oktober aamma 1. december – 31. december.** Nassuiaat: Tuttu nuliunerisa nalaanni akornusersorneqassanngimmata aammalu piniartut Decembarimi aningaasarsi-orfissaqartinniarlugit.

Tuutunut tunngatillugu Immikkut oqaatigiumasat :

Kalaallit Nunarput tamaat ataatsimut isigalugu **tuttoqarfinnut pisassiifinnullu tamanut tunngatillugu (Kalaallit Nunaat tamaat), sunngiffiminni** piniartartunut tamanut atuuttussamik, piniarnissamut piffissaliussinissaq KNAPK-miit siunnersuutigaarput: **1. august – 30. september.** Piniarfiit aqutsisoqarfiit tamarmik. Ukioq manna suli Sisimiut – Kangerlussuaq, Akia-Maniitsoq, Ameralillu aaqqiivigineqanngillat.

Nassuiaat: Piniarnermik Inuussutissarsiuteqartut aningaasarsiornissaminnut periarfis-saasa ikittuinnaasut ilagaat umimmaat neqaanik nikkuinillu tuniniaasarneq. Ukiuni makkunani sunngiffiminni pinialuttartut pisaqarujussuutarlutik aamma tuniniaasarnermikkut ingiarsimaarinninnerat annertoorujussuvoq. Namminneruna pissaminnik piniarnissaminnut periarfissinneqartartut.

Kommuunini pisassanut makitsiviusuni makitaasut siulliit pisassatik pisarisinnaajunnaarsimagunikkit kingusinnerpaamik 15. September kommuuninut utertitsisarnissaat piumasaraarput, taamaaliornikkut piniartut makitaasut tillii, soorlu 31. Oktober tungaanulluunniit piniarnissaminnut periarfissinneqarsinnaatillugit.

Nunatta kangiani tuttuliiffiusinnaasut misissorneqarnissaat KNAPK-miit piumasaraarput. Nunatta kangiani innuttaasut neqissaqarniarnernannut tapertaa-sinnaammata. Silap allanngoriartornerata kingunerisinnaasaasa misissorneqarnissaat pisariaqarmat nunatta akngiani tuttuliiffiusinnssutut piukkunnartut nassaarineqartariqarput.

Umimmaat – KNAPK-miit akissutit:

Kalaallit Nunarput tamaat ataatsimut isigalugu **umimmaqarfinnut pisassiifinnullu tamanut** tunngatillugu Piniarnissamut piffissaliussat,

Inuussutissarsiutigalugu piniarneq: **1. august – 15. oktober aamma 1. december – 31. december.** Nassuiaat: Umimmaat nuliunerisa nalaanni akornusersorneqassanngimmata aammalu piniartut Decembarimi aningaasarsiorfissaqartinniarlugit.

Ukiuunerani umimmanniartarneq pillugu aaliagersaasarnissat piffissaalluartillugu pisarnissaat KNAPK-miit piumasarineqarpoq.

Sunngiffiminni piniartartunut kalaallit Nunaannut tamarmut atuuttussamik piffissaliinissaq KNAPK-miit siunnersuutigaarput: **1. august – 30. september.** Nassuiaat: Piniarnermik Inuussutissarsiuteqartut aningaasarsiornissaminnut periarfissaasa ikittuinnaasut ilagaat umimmaat neqaanik nikkuinillu tuniniaasarneq. Ukiuni makkunani sunngiffiminni pinialuttartut pisaqarujussuutarlutik aamma tuniniaasarnermik-kut ingiarsimaarinninnerat annertoorujussuvoq. Namminneruna pissaminnik piniarnissa-minnut periarfissinneqartartut. **KNAPK-miit piumasarineqarpoq piniarneq pillugu inatsisit tamanit ataqqineqassasut aamma sunngiffimmi pinialuttartunut aalangersakkat matumani pineqarput tassa Naalakkersuisut piniakkanut killilersukkanut annerpaamik 10 % angullugu sunngiffiminni pinialuttartunut pisassiissutigisinnaagaat.**

Umimmannik tuttunillu killilersukkannik pisassinneqarnissamik qinnuteqartartut tamarmik umiatsiaqarlutik aallaaseqartassasut, tassami pioniarnissaminnulluunniit sakkussaqaqatik qinnuteqartarmata, makitaagaagamik piniartuniit ikiorneqanngikkaagamik susinnaasanngimmata – taamaattoqqarsinnaanngilaq, aatsaat tassa piniartut piniagassaannik arsaartuineq.

KNAPK-miit piumasaraarput, kalaallit Nunatsinni sinerissami nunatat uumasoaqarfiusut tamarmik ivikkat naasut il.il. naggorissusaasa uumasut nerisassaqaqluarnissaaat siuner-taralugu misissuiffiginissaat ukiuni tulluittuni aningaasaliiffigineqarluni ingerlanneqas-sasoq.

5. Aqutsiveqarfik Maniitsoq: Piffissaliussanut allanik siunnersuuteqartoqan-ngilaq, aammalu Aqutsisoqarfik Maniitsumi siornatigutut killilersuiner-taqanngitsumik ingerlanneqartussatut siunnersuutigineqarpoq. KNAPK-miit erseqqissaatigineqassaaq **Kangerlussuup eqqaani piniarfiit 1,2,3,4-imi sunngif-fimminni pinialuttartut killeqanngitsumik piniarsinnaatitaanerat akuersaasinnaannginnatigu ingasappallaarujussuaqaaq.** Nalunngilarput sunngiffimmi pinialuttartut umimmannik tuttunillu neqqarinnerisiuinnaarlutik angerlaassisartut taamaallutillu umimmappassuit tuttorpassuillu toqorar-tarlugit inuussutissarsiutigivillugu allagartarlunnik ingiarsaarlutik. Tamakku pissutsit akuersaarneqarsinnaanngillat. Aama taamaappoq aqutsiveqarfik Maniitsumi Kommuunini allaneersut 300-inik pisassinneranni sunngiffimmi pinialuttartut Inuussutissarsiutigalugu piniartutuulli killeqanngitsumik piniarsinnaatitaanerat akuersaarneqarsinnaanngilaq. Inatsisit naapertorlugit **Naalakkersuisut pini-akkanut killilersukkanut annerpaamik 10 % angullugu sunngiffimminni pinialuttartunut pisassiissutigisinnaagaat.** Anguujaartorfiup nunaani Piniarfik 3 aamma 4 umimmannik najorneqar-tarnerat annikilliartorpoq ukiukkut umimmanniartarnerup kingunerisaanik, taamaammatt piumasarineqarpoq ukiukkut uamimmanniartitsisarneq sermip eqqaani pisartussanngorlugu nutaamik killiliiffigineqassasoq.

6. Aqutsiveqarfik Sisimiut: Aqutsisoqarfik sisimiut nunatarujussuarmi 300-inik pisassinneqarput aammalu Kangaatsiap aqutsisoqarfianut 100-nik pisassiiso-qarluni. **Sisimiuniit kissaatigineqarpoq pisassiissutaasut amerlineqarnis-saat, piniartunut imminut akilersinnaasumik umimmanniartarneq ingerlanneqassappat.**

KNAPK-miit kaammattuutigineqarpoq Kangerlussuarmiik avannamut innuttaa-sut Umimmattassiivunngitsut soorlu Iluliarmiut eqqarsaatigalugit aaliangersi-masunik amerlassusilinnik Aqutsisoqarfik Sisimiuni pisassiisoqarnissaa eqqar-saatigeqqarput. soorlu aamma taamatut iliortoqartarnikuusoq. Aqutsiveqarfik Sisimiuni piniarnermik inuussutissarsiuteqartunut pisassiissutit amerlanerusa-riaqarput, saniaatigooralugu piniartartut piniartitsisartullu annerutinneqarsin-naanngimmata. Sisimiuniit erseqqissaatigineqarpoq siorna Kangerlussuarmiik kisitsinermiit oqaatigineqartoq umimmaarukkiartortoq ilumuunngimmat, tassa-mi piniartut nalunngilaat umimmappassuit siammartut ilaat avannamukaarlutik ilaat kujamnukaallutik taamaallutik uumasut nerisassarsiortuugamik ingerlaartuarlutik. Umimmaat Kalaallit Nunatsinni sineridssamut siammaralut-tuinnarnerat pillugu KNAPK-miit APN-imut allagaqareernikuuvugut. Piniartut ilanngullugu oqariartuutigaat umimmappassuit avannamut Nassuttuup qinnguanut katersuukkaluttuinnartut, taakkulluunniit kisitsisut naluvippaat. Taamaammatt KNAPK-miit Naalakkersuisunut **kaammattuutigeqqipparput** Aqutsiveqarfik Sisimiut avannaatungaanut **pisassiissutit 400-uusut ilanerisigut** qeqqata kommuuniata avannaaniittunut soorlu Ilulissat Qeqertarsuaq il.il. piniarnermik inuussutissarsiuteqartunut periarfisseeqqullugit.

KNAPK-miit erseqqissaatigissuarput **pinartitsisartut siorna 500-inik pisas-sinneqarnerat** akuersaarsinnaanngilluinnaratsigu! qanoq aamma piniartitsi-sartut piniartuniit pisassinneqarnerussappat taamaattoqarsinnaanngilaq, qanoq

aamma piniartut missukutaralugit takornariat anninngortinneqassappat – Kalaallit Nunarpununa piniartoqarfik – allanik nappateqanngilagut piniakkat aalisakkallu nappatigaagut.

Aammalu piumasarineqarpoq aqutsiveqarfiit iluini pisassiivinnut karsee-ralersuinersuaq atorunnaarseqqullugu asuli naalagaaniarnerinnarmik siunertaqarmat.

7. **Umimmaqarfik Naternaq:** Umimmattassiissutit marlunnut avinneqarnissaat sakkortuumik piumasarineqarpoq imaalillugit; Naternami pisassiissutit 120-t tusaatissatut tiguneqarput, taamaattoq Ussuit Nunaani, Ipiutaarsuup Nunaani, kiisalu Eqalummiut nunaani allatut periuseqarluni umimmanniarnissaq kissaatigineqarpoq imaalillugu; Naluneqanngitsutuut nunatani pineqartuni pingaartumik Eqalummiut nunaani tuttut piaqqiorfeqarput, taamaalillunilu massakutuut Naternami makitsilluni pisassinneqartarfirmut akuliutsinneqarnermikkut killilimmik piniarneqarsinnaanerit massakutuut pissutsit itsillugit naatsorsuutigineqartussaassalluni. Taamaammat taakkua umimmaat Qeqqata kommunianiit nunatanut pineqartunut ikaartut (kuuk ikaalaaginnarlugu) Qeqqata kommuniani **nassuttuup qinnguata tungaani pisassiisarnermut assigusumik piniarneqarsinnaanissaat siunnersuutigineqarpoq**, pisassaqarumalluni makitsinissamut ilanngutinngikkaluarluni, nunatani pineqartuni piniarniaraanni akuersissutinik sullissivimmut aalliinnartoqarsinnaatilerlugu. Taamaalilluni umimmaat nunatani annertoorsuunngitsuni tuttut piaqqiorfiinik innarliartornerat aqunneqarsinnaalerniassammat. Taamaalilluta siorna allakka-vut ingerlateqqippavut paasineqarsimannginnguatsiarmata. Ilulisarmiut Nassuttuumut aavarnerminni umimmammik pisaqartarnissamut periarfissinneqartalissagaluarmata. Aamma takuuk Aqutsiveqarfik Sisimiunut oqaaserta-liussarput.
8. **Aqutsisoqarfik Qaanaaq:** Piniarnissamut piffissaliussat 1. August – 31. december nalilersoqqissaqquneqarpoq. Taamatuttaaq pisassiissutit amerlassu-saannut katillugit 120-usunut ajunngikkaluarput, kisianni **Pituffimmi assoru-jussuaq umimmaqarpoq aamma taamatut Thulitoqqami (Uummannami).** Taamattumik pisassat ilaneqarnissaat piumasarineqarpoq.
9. **Aqutsisoqarfik Ivittuut:** Piniarnissamut piffissaliussat allanngorteqquneqarput allat assigalugit 1. August-imiit 15. Oktober-imut. Kiisalu pisassat 30-iniik 50-inut qaffatseqqinissaat piumasarineqarpoq. Siusinnerusukku 50-siusarmata. Ukiuni kingullerni Umimmaqarfik Ivittuuni nunataq umimmaat tuttullu amerliartuinnartut najorpaat allaat nerisassaqaarniarnikkut ajornartorsiorlutik. Paasisavut naapertorlugit Paamiunut umimmannik nussinissaq pilersaaru-taammanngooq taamaaliortoqartoq, Paamiut eqqaanni sumut umimmaliiso-qarniarami? KNAPK-miit piumasareqqipparput kisitsisoqarnissaa.
10. **Umimmaqarfik Nanortalik:** Pisassiissutineqartut 5 -put, KNAPK-miillu siun-nersuutigaarput pisassiissutit pingasunik ilaneqassasut katillugit 8-ngorlugit. Piniarnissamut piffissaliussat ajorineqanngillat.
11. **Aqutsisoqarfik Sigguk:** Piniarnissamut piffissaliussat naleqqussaavigineqar-nissaat aammalu pisassiissutit Uummannamut Upernavimmullu amerlanerutin-nissaat kissaatigineqarpoq. Sigguk umimmappassuaqalersimavoq, ukioq kingulleq umimmanniat sinersiinnartarsimapput pisassatik aallugit, timmut

pisuttarsimangillalluunniit umimmaqagaarmat. Piffimmi ataatsimi umimmaat immikkoortut ataatsimoortut 400 sinnerlugit amerlassuseqarsimapput.

Ukioq manna Kissaatigineqaaqqippoq Siggummi umimmannik kisitsisoqassasoq, malugineqartarmat umimmaat amerliartortillutik aamma avannamut illuariat-torsimasut. Kisitsisoqareerneratigut angusaasut takoriarlugit amerlanerusunik pisassiisoqartarnissaa kissaatigineqarpoq. Aammalu nalilersoqqissaaqquneqar-poq pisassiissutaasartut ullumikkut qinnuteqartut akornanni ataatsimoortillugit makitsisutigineqartartut, inoqarfikkaartumik inuttussuseq aallaavigalugu aggu-aqatigiisitsilluni amerlassusilersuinikkut pisassiisoqartarsinnaanera ilanngullugu misissoqquneqarpoq, inoqarfikkaartu-mik qinnuteqartut makitsissutigineqar-tarsinnaammata. Taamatut aaqqinikkut innuttaasut neqissaqarniarnikkut isumagineqarnerunissaat aqqutissiuunne-qarsinnaammata.

12. Aqutsiveqarfik Ittoqqortoormiit: Piniarnissamut piffissaliussat 1. august – 15. Oktober aamma 10. November – 10. December ajorineqanngillat. Ittoqqor-toormiitut piniarnerinnavimmik inuussutissarsiortunut pisassiissutit 115-it ilaneqarnissaat kissaatigineqarpoq, siornatigut 170 sinnerlugit pisassiissuta-a-sarnikuupput. KNAPK-miit piumasarineqarpoq Ittoqqortoormiini aningasarsior-nikkut piniarnerinnaq periarfissaammata umimmaat piniartunit pisarineqartut tunitsivissaqartinnissaat Naalakkersuisuniit aqqutissiuuteqqullugu, soorlu Kommuuneqarfik sermersuumi pisortat ulloq unnuarlu paaqqinnittarfiutaasa pisiortortinneqarnissaat piumasaralugu. Ilanngullugu Ittoqqortoormiiniik oqaatigineqarpoq umimmaat siammartorujussuusut allaat Ittoqqortoormiit kangerlussuat kujammut ikaarlugu kujavartorujussuusut. Taamammat umimmaat tunumi qassiunerat paasiniarlugu sukumiisumik kisitsisoqarnissaa piumasarineqarpoq.

13. Umimmaat Nuup eqqaanut pisimasut eqqissisimatitaapput: Nuup eqqaani umimmaat amerliartornerat piniartuniit oqariartutigineqartarpoq, taamaam-mat siornalu KNAPK-miit piumasaraarput Nuup eqqaatalu umimmaqarfittut taajuuserneqarnissaa pisariqartoq. Aammalu piffimmi tassani umimmannik kisitsinissaq pisariqalerluni.

Nassuiaatinut ilanngusaq:

Kalaallit nunarput tamakkerlugu sunngiffimminni pinialuttartut tuttunik umimmannillu piniarnermi, inuussutissarsiutigivillugu piniartunik piniarfinni assigiinngitsuni ingiarsaarisar-nerat annertoorujussuanngorsimavoq. Allaat namminneq pissatik sipporujussuarlugit pisaqartaramik pisamik ilarpassuunik tuniniaasalersimallutik, tamakku tamarmik upernarsaa-tissaqarput, facebook-kikkummi malinnaaffigineqarput. Aammalu taakkuupput tuttunik umimmannillu tamakkiisumik angerlaassineq ajortut neqqarinnerinnai soorlu quttoqqat kisiisa ilarpassuisa angerlaattaramikkit. Tamakku akuersaarneqarsinnaanngillat, killilersuinerujussuit ingerlapput neiniq atorluaanissaq pisariqarlunnarpoq.

Piniarneq pillugu Inatsimmi Piniakkanut killilersukkanut Sunngiffimminni pinialuttartunut **10 % pisassiissutigineqarsinnaasutut allaqqavog,** KNAPK-miit kaammattuugineqarpoq Inatsisit ataqqineqarnissaat. Aamma piumasarine-qarpoq umimmannik ukiuunerani piniarnissamut periarfissiisoqarnissaa.

Aamma eqqaamanerqassaaq ukiut arlallit qaangiupput kangerlussuarmi sulisut ilaat danskeq umimmappassuarnik toqoraallarmat angerlaassaqaranilu. Tamakku piujuaannartitsinissamik

pingaartitsinermut naapertuutinngilluinnarput. Piniakkat suugaluartulluunniit piniartunit aningaasaqarniarnermikkut iliungersuuteqartunit piniakkat iluaqutigineqarnissaat pingaartineqartariaqarpoq sulissutiguarneqartariaqarlunilu. Sunngiffimminni pinialuttartut pisaminnik kikkunnulluunniit tuniniaasinnaatitaannginnerat ilanngullugu nakkutiliinneq nukittorsartariqarpoq.

Ivittuut Arsuullu eqqaanni Umimmaat nerisassaqaarniarnikkut tuttunit ulorianartorsior-tinneqarput, tuttut amerliartornerat piniartuniit malugineqartuarmat. Nunap uumasunut taakkununga tamanut nerisassaqaarniarnikkut pilersuisinnaanerata killeqarnera eqqarsaa-tigalugu tuttut amerlivallaannginnissaat kissaatigineqarpoq, aamma tuttuutillit tuttuutaasa amerlavallaarujussualernerat pissutigalugu – tuttuutillit suli ingerlanerat aamma nalornissutigineqarpoq.

KNAPK-miit ilanngullugu Naalakkersuisoqarfimmut kaammattuutigineqarpoq Umimmaqarfik Naternaq-imi umimmaarukkiartornera pillugu umimmannik kisitsineq suliareqqullugu aammalu pinngortitami suut ajornartorsiutaasut misissoqqullugit. Aammalu piniarnermik nakkutillisoqarnikkut ajornartorsiutaasut ilanngullugit aaqqiiviginissaat Kmmuneqarfik Qeqertalik suleqatigalugu aaqqinniaqqullugit.

KNAPK-miit Naalakkersuisunut kaammattuutigaarput, kalaallit nunaat tamakkerlugu tuttunik umimmannillu kisitsineq piffikkaartumik ingerlateqqullugu aammalu nunap immallu uumasoaqarnikkut qanoq inissimalersimanera nalunaarusioqqullugit. Silap pissusaata allanngoriartornerata sunniutai oqaasiinnanngitsumik timitalersorneqartariaqarmata.

Piniakkanut suugaluartunilluunniit killilersuinerujussuaq nunami maani ingerlanneqarpoq, illuatugaatigullu sunngiffimminni pinialuttartut aningaasarsiorluartorsuit ilapparsui malitas-sanik saneqqutsillutik piniakkanik atornerluisartut isiginiarneqarnerusariaqalerput, piujuaan-nartitsinissamik pingaartitsinerujussuatta aqqani.

Inussiarnersumik inuulluaqqusillunga
Kalaallit Nunaanni Aalisartut Piniartullu Kattuffiat
sinnerlugu

Henning Dalager
Piniarneq pillugu
Siunnersuisooqatigiit
siulittaasuat